

弘

簡

錄

弘簡錄卷二百四

載記 遼主之六

聖宗皇帝諱隆緒小字文殊奴景宗長子幼喜書翰十歲能詩  
既長精射法曉音律好繪畫初封梁王帝崩次日癸丑奉遺詔  
卽位輒前時年十二母睿智皇后攝政軍國大事聽命母后十  
月己未朔始臨朝詔諭諸道辛酉羣臣上尊號曰昭聖皇帝尊  
皇后爲皇太后大赦以平章事蕭道寧領本部軍駐南京乙丑  
如顯州十一月甲午置乾州十二月甲子撻刺干乃萬十醉言  
宮掖事法當死杖而釋之癸酉奉大行皇帝梓宮于敢塗殿  
統和元年正月戊午朔不受朝乙丑奉遺詔封庶兄質睦寧王

加宰相室昉宣徽使普頌等恩戊辰以烏隈烏骨里部節度使

耶律章瓦同政事門下平章事壬午趙妃及公主宰相大王惕

隱國舅契丹漢宮等並進助山陵費癸未齊國公主率內外命

婦進物亦如之二月戊子朔禁所在官吏軍民無故不得聚衆

私語及冒禁夜行違者坐之甲午葬乾陵

以近幸郎掌飲  
伶人捷辨爲殉

庚子

賜皇族及近臣遺留物戊申以解領爲南府宰相辛亥幸聖山

遂謁三陵三月戊午天德軍節度使顏刺父子戰歿其弟涅離

襲爵許之己未次獨山遣使賞西南面有功將士辛酉以耶律

曷魯寧爲惕隱辛巳以國舅蕭道寧爲遼興軍節度使賜號忠

亮佐理功臣壬午祭天地四月丙戌朔幸東京庚寅謁太祖廟

丙申南幸壬寅致享于凝神殿癸卯謁乾陵乙巳遣人祭平章

耶律河陽墓庚戌從樞密請詔北府司徒頡德禪南京所進律

文上如徽州以耶律慶朗爲信州節度使五月壬戌南路招討  
請益兵討西突厥諸部詔北王府耶律蒲奴寧引敵畢迭烈兩  
部兵赴之辛未次永州祭王子藥師奴墓丙子祭天地戊寅幸  
木葉山六月丙戌還上京辛卯有事于太廟甲午率羣臣上皇  
太后尊號曰承天皇帝太后羣臣上皇帝尊號曰天輔皇帝大赦  
改元覃恩中外文武官各進爵一級七月乙卯錄囚辛酉行再  
生禮與諸王分朋擊鞠八月戊子西巡己丑謁祖陵癸巳謁懷  
陵遂幸懷州己亥獵赤山九月癸丑朔東京平州旱蝗詔振之  
乙卯謁承興長寧敦睦三宮庚申謁宣簡皇后廟辛未立生日  
爲千齡節以放于越屋只有傳導功命其子泮泮爲林牙丙子  
如老翁川十月癸未朔司天奏老人星見丁酉將征高麗親閱  
東京留守耶律抹只所總兵馬丙午命宣徽使兼侍中蒲傾林

牙肯德等將兵東討賜旗鼓及銀符十一月壬子朔觀漁捷馬

濠十二月甲午東幸甲辰勅諸刑辟已結正決遣而有寃者聽

詣臺訴戊申千齡節祭日月禮畢百僚稱賀二年正月甲子

如長濠

常事後皆不書

二月甲午賜將軍耶律敵不春衣束帶丙午上

與諸王大臣較射三月乙卯贈故同平章事趙延煦兼侍中四

月丁亥宣徽使耶律普寧都監蕭勤德獻征女直捷授普寧兼

政事令勤德神武衛大將軍各賜金器諸物辛卯祭風伯壬辰

以宣徽南院使劉承規爲承德軍節度使崇德宮都部署保義

軍節度使張德筠爲宣徽北院使五月乙卯祠木葉山九月辛

未景宗忌日詔諸道京鎮遣官行香飯僧十月丁丑朔以歸化

州刺史耶律普寧爲彰德軍節度使右武衛大將軍韓侔爲彰

國軍節度使兼侍衛親軍兵馬都指揮使十一月壬子以樞密

直學士鄭徽爲儒州刺史十二月辛丑以大仁靖爲東京中臺  
省右平章事三年正月丁巳左拾遺劉景吏部郎中牛藏用  
並爲政事舍人二月丙子朔改牛藏用樞密直學士四月乙亥  
朔祠木葉山壬午以鳳州刺史趙匡符爲保靜軍左監門衛大  
將軍王庭坊爲奉先軍皆節度使五月癸酉加蕭道寧同平章  
事知濟州軍州事六月甲戌如栢坡乙亥改歸義軍王希胤爲  
典國軍節度使七月甲辰朔詔諸道繕甲兵以備東征高麗甲  
寅東幸丙寅駐蹕土河以暴漲命造船橋明日乘步輦出聽政  
老人星見丁卯遣使闕東京諸軍兵器及東征道路拜道寧昭  
德軍節度使守太子太師劉延構議成軍節度使八月癸酉朔  
以高麗道路沮洳未可進征先伐女直丁丑次藥城庚辰至顯  
州謁凝神殿辛巳幸乾州觀新宮癸未謁乾陵庚子謁顯陵辛

丑酉幸闕九月丙子行次海上庚辰重九駱駝山登高賜羣臣  
菊花酒丙申女直宰相朮不里來貢戊戌駐蹕東古山十一月  
丁丑詔以東北路兵馬監軍婁晏底里存撫邊民癸巳禁行在  
市易布帛不中尺度者 四年二月壬寅以四番都統軍李繼  
忠爲檢校司徒上柱國癸卯西夏李繼遷叛宋來降授定難軍  
節度使銀夏綏宥等州觀察處置等使西番部帥瓦泥乞移保  
大軍節度使鄆坊等州觀察處置等使三月甲戌宋遣曹彬等  
分道來侵陷岐溝涿州固安新城詔分遣使者徵諸部兵益耶  
律休哥以擊之乙亥以親征告陵廟山川辛巳命林牙蕭勤德  
守平州癸未遣軍與宋田重進戰于飛狐不利陷冀州防禦使  
大鵬翼康州刺史馬贊馬軍指揮使何萬通丁亥改命耶律斜  
軫爲山西兵馬都統賜以密旨及杓窠印以趣征討休哥亦如

之及賜林牙謀魯姑旗鼓四劔一率禁軍之驍銳者南助休哥  
四月己亥朔次南京北郊庚子惕隱瑤昇招討韓德威報捷辛  
丑宋潘美陷雲州詔勦德遼軍戊申監軍蒲鄰奏敵軍引退與  
奚王和叔奴北大王蒲奴隱統軍使頗德等追躡皆勝之賜詔  
褒美頗不部節度使和盧視黃皮室詳穩解里等各上所獲鎧  
仗數又詔兩部突騎赴蔚州以助蕭闕覽橫帳郎君老君奴率  
諸郎君巡徼居庸之北郎君奴哥爲黃皮室都監郎君謁里爲  
北府都監各以兵赴蔚州以助斜軫庚戌加斜軫諸路兵馬都  
統闕覽副部署廸于都監以代善補韓德威宋將曹彬米信北  
渡拒馬河與休哥對壘南北列營長六七里時上次涿州東五  
十里甲寅詔休哥等嚴備水道無使敵兵潛至涿州乙卯休哥  
等敗宋軍獻所獲器甲貨財賜詔褒美丙辰復涿州告天地戊



午上次沙姑河之北浞諸將各以所俘獲來上辛酉大軍次固安壬戌圍城頗德先登破之大縱俘獲甲子賞攻城將士有差五月庚午大敗彬信于岐溝關追至拒馬河餘衆奔高陽衝擊溺死不可勝計癸酉班師還次新城己卯次固安南祭天地庚辰以所俘宋人射鬼箭宋兵在山西未退詔遣詳穩排押率弘義宮兵及南北皮室郎君拽刺四軍赴應朔二州界同禦之壬午還次南京丙戌御元和殿大宴從軍將校封休哥斜軫和朔奴蒲領蒲奴寧及諸有功將校爵賞有差丁亥發南京以軍前降卒分賜扈從丁未度居庸闕皇太妃諸王公主迎上嶺表設御幄道傍置景宗御容率從臣進酒陳俘獲于前遂大宴戊午幸涼陘以所俘分賜皇族及乳母七月辛巳以捷告天地分朱歸命者二百四十人以賜從臣詔上京開龍寺以殺敵多令建

佛事一月僧飯萬人八月丁酉以蒲奴寧爲山後五州都督已

未詔第山西諸將校功過而賞罰之

乙室帳宰相安寧以功過相當進告身一過韓居部

節度使佛奴答五十楊隱瑁具拽刺款烈朔州節度使慎思應州節度使骨只雲州節度使化哥軍校李元迪蔚州節度使佛留節度使其劉繼琛皆以同敢逐道奪官配錄本貫領國舅軍王六管五十九月甲戌重九登高于

黑河南阜祭天賜從臣命婦菊花酒丁丑次河陽北辛巳納皇

后蕭氏丙戌次儒州己亥以乙室帳郎君吳留爲御史大夫甲

辰南征出居庸關詔以勅勝諭拒馬河南六州乙卯幸南京戊

午以南院大王留寧言復南院部民今年租賦壬戌賜京官僧

道耆老銀鼠青鼠及諸物十一月壬申古北松亭榆關征稅不

法致阻商旅遣使勅之始許女直以兵從征癸酉御正殿大勞

將校丙子次狹底塌親閱輜重兵甲戊寅日南至率從臣祭景

宗御容辛卯次白佛塔川獲自落馴狐以祭天地詔駙馬蕭繼

遠林牙謀魯姑太魯林八等沿邊巡徼因守封疆毋漏間諜縱  
諸軍殘南境桑果壬辰至唐興縣時宋軍屯渾沱北選將亂射  
之進焚其橋癸巳涉沙河甲午祭應鹿神宋兵戰泰州褚特部  
節度使盧補古臨陣遁逃詰奪告身都監耶律聆以下各杖之  
仍聲其罪徧諭諸軍代以御盞耶君化哥權節度使橫帳耶君  
佛留爲都監宋先鋒至望都耶君拽刺雙骨里遇之擒其士卒  
九人獲甲馬十一賜酒及銀器十二月壬寅營于渾沱北詔太  
師王六謹偵候以騎絕之母令人邢州癸卯小校局主遇宋輜  
重引兵殺獲甚衆并焚其芻粟甲辰南大王與休哥合勢敗宋  
將劉廷讓李敬源于莫州擒賀令圖楊重進等國舅詳穩捷烈  
哥宮使蕭打里死之丙午詔休哥以下入內殿賜酒丁未築京  
觀禁軍擊楊團城守將來降上粟麥兵甲之數詔禁侵掠已酉

營神榆村辛亥以黑白二牲祭天地癸丑拔馮母鎮大纓俘掠  
丙辰邢州降丁巳拔深州以不卽降誅守將以下縱兵大掠是  
歲李繼遷引騎款塞願婚大國永作藩輔詔封王子帳節度使  
耶律襲之女汀爲義成公主嫁之賜馬三千匹發州刺史趙彥  
章義順節副趙希贊彰德節度艾正觀察判官宋雄武定指揮  
呂行德副指揮張繼從馬軍指揮劉知進步軍指揮穆超蔚州  
押衙李存璋許彥欽奚軍小校隘離轄渤海小校貫海皆叛入  
於宋俱命籍其家屬分賜有功將校 五年正月乙丑破束城  
縣縱兵大掠丁卯次文安遣人諭降不聽擊破之盡殺丁壯俘  
其老幼戊寅還南京己卯御元和殿大賽將士三月癸亥朔幸  
長春宮賞花釣魚徧賜近臣歡宴累日丁丑諦居部下搜刺解  
里偵候有功命入御盜郎君班祇候四月丁酉率百僚冊上皇

太后尊號禮畢羣臣上尊號曰至德廣孝昭聖天輔皇帝戊戌  
詔有司條上勳舊等第加恩六月壬辰召大臣決庶政丙申以  
耶律蘇爲遙郡刺史七月戊辰涅刺部節度使撒葛里有惠政  
民請留從之 六年二月丙寅從征司天趙宗德齊泰王守平  
邵棋閻梅言天象數有徵賜物有差三月癸未李繼遷遣使來  
貢四月乙未幸南京戊戌幸宋國王休哥第六月癸亥党項太  
保阿剌忒來朝貢方物乙丑諭諸道兵馬備南征攻城器具乙  
酉夸离董阿魯勃迭沙州節度使曹恭順遷授于越七月丙戌  
觀市己亥賜休哥排押諸軍戰馬因請增置涿州驛傳從之丙  
辰祭天地八月癸亥遣使祭木葉山告將伐宋西北路管押詳  
穩速撒哥以伐折立助里二部俘獲來獻東路林牙蕭勤德及  
統軍石老擊敗女直兵獻俘濱海女直遣屬魯里來朝及修土

賁九月戊戌幸南京己亥有事于太宗廟以唐元德爲奉陵軍節度使癸卯祭旗鼓庚戌次涿州射帛書諭城中降不聽乙卯縱兵四面攻之城破乃降因撫諭其衆勤德闔覽皆中流矢載帝車中而歸聞宋軍退遣斜軫排押等追擊大敗之十月戊午攻破沙堆驛己巳以黑白羊祭天地庚午分宋降軍置七指揮號歸聖軍行軍叅謀馬得臣恐終不爲用請放之還不允十一月甲申詔諸軍備攻具庚寅駐長城口督大軍四面進攻士憤關委城遁斜軫招之不降上與韓德讓邀擊殺之獲者分隸燕軍辛卯攻圍滿城甲午拔之軍士開北門遁上使諭其將領乃率衆降戊戌攻下祈州縱兵大掠己亥拔新樂庚子破小狼山砦丁未宋軍千人出益津關遇郎君佺委詳穩十哥擊走之殺副將一人十二月大軍駐宋境賜皮室詳穩乞得秃骨里戰

馬丁巳安平侍衛馬軍司奏攻忻州新樂都頭劉贊等三十人  
有功乞加恩賞詔北宰相蕭繼遠等往覘之是歲始詔開貢舉  
一人及第 七年正月癸未朔班師戊子宋雞壁砦守將郭榮  
率衆來降詔屯南京庚寅次長城口癸卯攻易州宋遂城兵來  
援遣鐵林軍擊之擒其指揮使五人甲辰大軍齊進破易州降  
刺史劉輝以馬貸代之趙質爲兵馬都監遷其軍民于燕京授  
先登東京騎將夏貞顯之子仙壽高州刺史乙巳幸易州御五  
花樓撫諭士庶丙午祭天地詔諭三京諸道分遣巫覡祭名山  
大川戊申次漆水謁景宗廟己酉次岐溝射鬼箭辛亥還次南  
京六軍解嚴二月壬子朔上御元和殿受百官賀乙卯幸長春  
宮大饗軍士爵賞有差封韓德讓楚國王蕭寧遠同政事門下  
平章事乙丑賞南征女直軍使東還丙寅禁舉人匿名飛書謗

訕朝廷丙子以女直活骨德爲本部相丁丑皇子佛寶奴生三  
月壬午朔遣使祭木葉山禁芻牧傷禾稼宋進士十七人挈家  
來歸命有司考其中第者補國學官餘授簿尉李繼遷遣使來  
貢丁亥詔知易州趙質收戰亾士卒骸骨築京觀己丑免雲州  
逋賦丙申詔開奇峯路通易州市四月丙辰謁太宗廟以御史  
大夫烏骨領乙室大王丁卯吐渾還金回鶻安進吐蕃獨朶等  
自宋來歸皆賜衣帶丙子以舍利軍耶律沓爲常袞己卯駐蹕  
儒州龍泉庚辰以遙輦副使控骨齒爲舍利拽刺詳穩五月辛  
巳祭風伯辛卯獵桑乾河六月庚戌朔貴太師栢母迎合纒之  
七月乙酉御含涼殿視朝丙戌以中丞耶律覈麥哥權夸离畢  
橫帳郎君耶律延壽爲御史大夫癸巳遣兵南征丁酉勞將士  
八月庚午放進士高正等二人及第十一月甲申于闐張文寶



進內丹書 八年正月庚寅詔決滯獄三月庚辰太白彗惑關  
凡十有五次乙酉城杏塢實以宋俘辛丑置宜州四月丙午朔  
嚴州刺史李壽英有惠政從民請留庚午歲旱諸部艱食命振  
之五月庚寅女直宰相阿海來貢封順化王丙申詔括民田六  
月丙午阿薩蘭回鶻于越達刺于各遣使來貢七月庚辰改南  
京熊軍爲神軍詔東京路諸宮分提轄司置定霸保和宣化三  
縣白川州置洪理儀坤州置廣義遼西州置長慶乾州置安德  
各一縣省遂媽松饒寧海瑞玉鐵里奉德等十州及玉田遼豐  
松山弘遠懷清雲龍平澤平山等八縣以其民分隸他郡八月  
乙卯祭天地九月乙亥北女直四部請內附壬辰李繼遷獻宋  
俘十月丙午復告大敗宋軍十一月庚寅賑吐谷渾饑民十二  
月癸卯李繼遷告下宋麟廓等州庚戌遣使封繼遷爲夏國王

是歲進士鄭雲從等二人及第 九年正月丙子詔禁私度僧  
尼乙酉室昉等進實錄賜物有差戊子選宋來降卒五百置宜  
方軍辛卯詔免三京諸道租賦仍罷括田二月丙午夏國遣使  
告宋捷丁未以涿州刺史耶律王六爲揚隱甲子建威寇振化  
來趨三城屯戊辛振室韋烏古諸部閏月壬申遣承旨邢抱朴  
三司使李嗣給事中劉京政事舍人張幹副留守吳浩分決諸  
道滯獄益以員外郎庫部馬守琪倉部祁正虞部崔祐薊北縣  
令崔簡甲子幸南京四月乙亥夏國王李繼遷遣杜白來謝封  
冊併上宋所授勅命六月南京霖雨傷稼七月癸卯通括戶口  
乙巳詔諸道舉才行察貪酷撫高年禁奢僭有殺于王事者官  
其子孫己未夏國告復綏銀二州八月癸酉銅州嘉禾生東京  
耳露降戊寅女直進喚鹿人壬午東京進三足烏九月乙酉駐

蹕廟城南京城震十月丁丑定難軍節度使李繼捧來附授推  
忠効順啓聖定難功臣檢校太師兼侍中封西平王十一月己  
亥祭天地十二月遣招討使韓德威持詔責李繼遷潛附于宋  
是歲進士石用中一人及第十年正月丁酉禁喪葬殺馬及  
藏甲冑金銀器玩二月乙丑朔韓德威奏李繼遷稱故不出至  
靈州俘掠以還賜詔安慰四月乙丑改臺湖爲望幸里庚寅命  
羣臣較射八月癸亥觀稼仍遣使分閱十月壬申夏國王遣使  
來貢十二月庚辰徧儒州東川拜天以東京留守蕭恒德等伐  
高麗是歲雲朔等州饑詔免稅賦給復流民三年十一年三  
月丙午出內帑錢賜南京統軍司軍高麗王治遣朴良桑奉表  
請罪詔取女直鴨綠江東數百里地賜之二月癸亥霸州妖巫  
王氏伏誅六月大雨七月己丑桑乾羊河溢居庸以西皆稼溺

奉聖南京民廬舍放進士王熙載等二人及第 十二年正月

癸丑朔溇陰鎮水漂溺三十餘村詔疏舊渠復行在五十里內

租蠲宜州賦調甲寅以同政事門下平章事耶律碩老爲惕隱

庚申耶律君耶律鼻舍等謀叛伏誅壬戌以南院大王耶律景爲

上京留守封漆水郡王霸州民李在宥年百三十有三賜束帛

錦袍銀帶月給羊酒仍復其家二月甲申免南京被水戶租賦

及諸部歲輸羊并關征三月丁巳高麗遣使請所俘人畜詔贖

還仍遣使撫諭戊午幸南京復置統軍都監己巳涿州木連理

四月壬辰以樞密直學士劉恕爲南院樞密副使五月庚辰武

定軍節度使韓德冲秩滿從其民請留六月辛巳朔詔州縣長

吏有才能無過者減一考任之癸未可汗州刺史賈俊進新曆

庚子錄囚甲辰詔代龍鳳兩軍老疾者免皮室軍老不任事者

役七月甲寅遣使視諸道禾稼戊辰視穧庚午詔契丹人犯十  
惡者依漢律八月庚辰朔詔皇太妃領西北路烏古等部兵及  
永興宮分軍撫定西邊以蕭撻懶督其軍事乙酉宋遣使求和  
不許戊子以國舅帳尅蕭徒骨爲夸离畢九月壬戌行拜與禮  
十月乙酉獵可汗州西山乙巳詔定均稅法丁未置大理寺少  
及正卿十一月戊申朔行再生禮詔諸部具所俘宋人官吏儒  
生抱器能者及諸道軍勇健者以名聞官衛德升等六人庚戌  
詔郡邑貢明經茂材異等甲寅詔南京決滯獄十二月戊寅朔  
詔并奚王府與理壁隗梅只三部爲一其二尅各分爲部以足  
六部之數甲申賜南京統軍司貧戶耕牛戊子却高麗進妓樂  
庚寅禁游食民癸巳女直告宋人浮海賂本國及兀惹叛丁未  
幸南京放進士呂德懋等二人及第 十三年正月甲寅置廣

靈縣丁巳增泰州遂城等縣賦庚申詔詣道勸農癸亥長寧軍節度使蕭屏里秩滿從民請留庚午如長春宮五月壬子高麗進鷹六月丙子朔啓聖軍節度劉繼琛秩滿從民請留丁丑詔減前歲括田租賦丙戌詔許昌平懷柔等諸縣人請業荒地七月壬戌詔龍衛威勝軍更戍蔚朔等州八月丙子夏國遣使進馬壬辰詔修山澤祠宇先哲廟貌以時祀之九月戊午以南京太學生員日多特賜水碓莊一區十月乙亥置義倉十一月辛酉遣使冊王治爲高麗國王戊辰高麗遣童子十人來學本國語次年又遣十二月己卯鐵驪來貢鷹馬辛巳夏國告敗宋人是年放進士王用極等二人十四年正月丁巳蜀三京及諸州稅賦三月壬寅高麗王治表乞婚許以駙馬蕭恆德女嫁之甲子詔安集朔州流民四月甲戌朔各置東邊諸紮都監改諸部令

穩爲節度使己亥鑿大安山取劉守光所藏錢五月庚戌朔州  
成勝軍一百七人叛入于宋六月己丑高麗遣使來問起居後  
至無時間七月丁丑五院部進宄地所得金馬十月丙辰命劉  
遂教南京神武軍士劔法賜袍帶錦幣戊午烏昭度乞內附十  
一月甲戌詔諸軍官毋非時畋獵妨農回鶻阿薩蘭遣使爲子  
求婚不許十二月甲寅以南京道新定稅法太重減之甲子幸  
南京是年放進士張儉等三人十五年正月庚辰詔諸道勸  
民種樹癸未兀惹長武周來降乙未免流民稅二月戊戌勸品  
部富民出錢以贖貧民庚子徙梁門遂城秦州北平民于內地  
丁巳詔品部曠地令民耕種三月乙丑朔党項來貢乞內附戊  
辰募民耕灤州荒地免其租稅十年己巳夏國破宋兵遣使來  
告己卯改封繼遷爲西平壬午通括宮分人戶免南京通稅

及義倉粟庚寅兀惹烏昭慶以地遠乞免歲時進鷹馬貂皮詔  
以生辰正旦貢如舊餘免癸巳宋使來告太宗皇帝崩與宗嗣  
位甲午皇太妃獻西邊捷四月乙未朔罷奚王部歲貢歲戊戌  
錄囚壬寅發義倉振南京諸縣民己酉幸南京丁巳致奠于太  
宗廟六月壬子夏國遣使來謝封冊七月辛未禁吐谷渾別部  
鬻馬於宋辛卯詔南京及平州決滯獄九月庚午幸僂州致奠  
太祖廟十月壬辰朔駐蹕馳山罷奚王諸部貢物乙未賜宿衛  
時服丁酉禁諸山寺毋濫度僧尼戊戌弛東京道魚梁之禁戊  
申以上京獄訟繁冗詰其主者十一月壬戌朔錄囚高麗王治  
薨遣使致祭詔姪誦權知國事丙戌幸顯州謁顯乾二陵是年  
放進士陳鼎等二人 十六年二月丙午以監門衛上將軍耶  
律喜羅為中臺省左相四月癸卯振崇德宮所隸州縣民之被



水者丁未罷民輸官俸給自內帑己酉祈雨五月甲子祭白馬  
神丁卯桐木葉山告來歲南伐乙酉還上京賜婦人年踰九十  
者物六月戊子朔致奠于祖塋二陵七月丁巳朔錄囚惡政八  
月丁亥朔東幸九月丁巳朔駐蹕得勝口十一月遣使冊高麗  
國王誦是年放進士楊又立等二人 十七年七月南侵宋詔  
諭諸道九月庚辰朔幸南京癸卯射鬼箭十月癸酉攻遂城不  
克遣蕭繼遠攻狼山砦破之次瀛州與宋軍戰擒其將康昭裔  
宋順進攻樂壽縣拔之次遂城敵衆臨水以拒縱騎兵突之殺  
戮殆盡是年放進士初錫等四人及第 十八年正月還次南  
京賞有功將士罰不用命者詔諸軍各還本道六月阻卜叛首  
鶻曩弟鐵刺不率衆來附鶻曩無所歸遂降詔誅之十一月甲  
戌朔授西平王李繼遷子德昭朔方軍節度使是年放進士南

承保等三人及第 十九年正月辛巳以祇候郎君班詳穩觀

音爲奚六部大王甲申回鶻進梵僧名醫三月乙亥夏國遣李

文貴來貢乙酉西南面招討司奏党項捷四月乙巳幸吳國王

隆祐第視疾五月庚寅以十拽刺詳穩耶律王奴爲乙室大王

辛卯祭天地六月乙巳授康昭裔昭順軍節度使戊午夏國奏

下宋恆瓌慶三州賜詔褒之八月庚戌達盧骨部來貢九月戊

子駐蹕昌平庚寅西南招討司奏討吐谷渾捷辛卯幸南京十

月巳亥南伐壬寅次鹽溝辛亥射鬼箭壬子祭天地甲寅敗宋

兵于遂城庚申復以黑白羊祭天地丙寅次滿地泥淖班師十

一月丙子宋兵出淤口益津關來侵偵候謀注虞人招古擊敗

之巳卯觀漁儒門濼閏月巳未減關市稅十二月庚辰免南京

平州租稅 二十年正月癸丑東方五色虹見詔安撫西南面

向化諸部甲寅夏國遣使貢馬駝辛酉女直宰相夸窩底來貢  
二月丁丑高麗遣使賀伐宋捷三月甲寅遣北府宰相蕭繼遠  
等南伐四月丙寅朔文班太保達里底敗宋兵于梁門乙酉南  
征將校獻俘賜爵賞有差六月夏國下霰州遣劉仁勗來告七  
月辛丑高麗貢本國地里圖九月癸巳朔謁顯陵告南伐捷十  
二月奚王府五帳六節度獻七金山土河川地賜金幣是歲南  
京平州麥秀兩岐放進士邢祥等六人及第二十一年三月  
壬辰詔修日曆官母嘗細事四月戊辰兀惹渤海與里米越里  
篤越里古等五部遣使來貢耶律奴瓜蕭捷凜奏獲宋將王繼  
忠于望都五月丁巳李繼遷薨遣西上閣門使丁振吊慰丁酉  
阻卜鐵刺里率諸部來降六月修可敦城八月乙酉阻卜鐵刺  
里來朝九月己亥李德昭遣使來謝吊贈癸丑幸女河湯泉改

名松林十月丁巳駐蹕七渡河十一月丙申通括南院部民十  
二月癸未罷三京諸道貢二十二年三月巳丑罷番部貢千  
齡節及冬至重五貢乙未李德昭遣使上繳還遺物七月甲申  
遣使封李德昭爲西平王丁亥兀惹蒲奴里割阿星越里篤與  
里米等部來貢八月庚申阻卜長鐵刺畢來朝求婚不許丙子  
駐蹕犬牙山九月巳丑諭高麗南伐丙午幸南京女直遣使獻  
所獲烏昭慶妻子丁未致祭太宗廟以北院大王啓魯古太尉  
老君奴監北南王府兵閏月巳未南伐癸亥次固安以所獲謀  
者射鬼箭丙寅與宋兵戰于唐興大破之庚午軍于望都十月  
乙酉以黑白羊祭天地丙戌攻瀛州不克甲午下祈州巳酉德  
昭遣使謝封冊十一月癸亥馬軍部指揮使耶律課里擊退宋  
兵于洺州丁卯南院大王善補奏宋遣人遣王繼忠書密請求

和詔與使者會許之庚午破德清軍壬申次澧淵齋捷凜中伏  
弔死乙亥破通利軍丁丑宋崇儀副使曹利用來請和卽遣飛  
龍使韓杞持書報聘十二月癸未宋復遣曹利用來以無還地  
之意遣監門衛大將軍姚東之持書往報戊子宋遣李繼昌請  
和歲輸銀十萬兩絹二十萬匹許之遣閣門使丁振持書報聘  
己丑諸軍解嚴是月班師放進士李可封等三人二十三年  
正月戊午還次南京庚申大饗將卒爵賞有差二月丙戌復置  
榷場於振武軍丁巳夏國遣使告下宋青城辛酉以惕隱化哥  
爲南院大王都監老君奴爲惕隱乙丑振党項部丁丑改易州  
飛狐招安使爲安撫使五月乙卯以金帛賜陣亡將上家丙寅  
高麗阻卜烏古女直回鶻鐵驪党項鼻骨德各遣使賀與宋和  
己亥達旦國九部遣使來聘七月辛酉祭天地丁卯阿薩蘭回

鶻來請先留使者皆遣之九月甲戌遣太尉阿里太傅楊六賀

宋主生辰

和後爲常不書

十月甲午駐蹕七渡河癸卯宋歲幣始至十

一月戊申遣太保合住頒給使韓簡使宋賀正旦辛亥觀漁桑

乾河十二月丙申宋遣周漸等賀千齡節及張若谷等賀正旦

後爲常不書

二十四年五月壬寅朔幽皇太妃胡辮于懷州賜死囚

夫人夸懶于南京餘黨皆生瘞之八月沙州燉煌王曹壽遣使

進大食國馬及美玉九月幸南京是年放進士楊佖等二十三

人及第 二十五年正月建中京七月壬申西平王母薨遣使

弔祭并起復李德昭十月丙申駐蹕中京十二月己酉振饒州

饑 二十六年五月丙寅高麗遣使賀中京成七月增太祖太

宗讓國皇帝并世宗與李胡諡十月戊子薨幸中京是年放進

士史克忠等一十三人 二十七年四月丙戌朔駐蹕中京營

建宮室七月甲寅朔霖雨潰工幹刺陰涼四河皆溢深沒民舍  
八月甲申北幸十一月壬子朔行柴冊禮十二月乙酉南幸辛  
卯皇太后崩壬辰遣使報哀于宋夏高麗戊申如中京是歲御  
前引試劉二宜等三人 二十八年正月辛亥朔不受賀甲寅  
如乾陵二月丙戌宋王隨王儒等來弔祭遣蕭虛列張崇濟往  
謝蕭合卓致遺物己亥高麗魏守愚等來祭三月癸卯上大行  
皇太后諡宋高麗遣使來會葬四月甲子葬乾陵五月己卯朔  
如中京辛卯清著七金山丙午高麗西京留守康肇弑其主誦  
擅立主從見詢詔諸道繕甲兵以備東征八月戊申振平州饑  
辛亥幸中京丙寅謁顯乾二陵丁卯自將伐高麗遣使報宋九  
月乙酉遣使冊李德昭爲夏國王辛卯遣樞密直學士高正引  
進使韓杞宣問高麗王詢十月丙午朔女直進馬萬匹乞從征

高麗許之王詢奉表乞罷師不許十一月乙酉大軍渡鴨綠江  
康肇拒戰敗之退保銅州右皮室詳穩耶律敵魯擒肇及副將  
李立追殺數十里獲所乘輜餉仗戍子銅霍貴寧等州皆降  
辛卯王詢上表請朝許之禁軍士俘掠以政事舍人馬保祐爲  
開京留守安州團練使王八副之遣太子太師乙凜將兵送保  
祐等赴京壬辰守將車思正殺遠使者韓喜孫等十人領兵出  
拒保祐等還遣乙凜領兵擊之思正遂奔西京圍之不克駐蹕  
城西高麗禮部郎中渤海陀失來降庚子遣排押盆奴等攻開  
京敗高麗兵王詢棄城遁遂焚開京至清江還 二十九年正  
月乙亥朔班師所降諸城復叛至貴州南峻嶺谷大雨連日霽  
乃得渡己丑次鴨綠江庚寅皇后及留守隆祐迎于來遠城壬  
辰詔罷諸軍己亥次東京二月己酉謁乾顯二陵以所俘高麗



人分置諸陵廟餘賜內戚大臣三月庚寅南京平州水振之五月甲戌朔詔已奏之事送所司附日曆帳族有罪黥墨依諸部人例六月庚戌升爵與和州爲觀察使不隸武定軍十一月庚午朔幸顯州十二月癸丑置歸寧二州是年御試放高承顏等二人及第

開泰元年正月癸未長白山三十部女直首領來貢乞授爵秩甲申駐蹕王子院丁亥女直太保蒲撚等來朝戊子獵于貝曷魯林庚寅祠木葉山辛卯曷蘇館大王曷里喜來朝二月壬子駐蹕瑞鹿原三月乙亥如葦澤丁丑詔封皇女八人爲郡主乙酉詔卜日行拜山大射柳之禮命有司具儀物四月庚子高麗遣蔡忠願來降乞稱臣如舊詔王詢親朝壬寅夏國遣使進良馬已酉祀風伯辛酉以前孟父房儼穩蕭佛奴爲左奇輿畢駙

第出身 四年五月辛巳再伐高麗六月庚戌拜日與麻都骨  
世勳易衣馬爲好七月又拜日遂幸秋山自八月射鹿至于九  
月復自癸丑至于辛酉丁卯與夸萬畢兵部尙書蕭榮寧定爲  
交契以重君臣之好十一月庚申詔汰東京僧命上京中京洎  
諸宮選精兵五萬五千人以備東征十二月南巡海微還幸顯  
州 五年正月丁未北幸癸酉駐蹕雪林二月戊戌皇子宗真  
生三月辛酉諸道奏獄空詔進階賜物丙寅以前北院大王耶  
律敬溫爲阿扎割只辛未党項魁可來降四月乙亥振招州民  
五月甲子尚書蕭姬隱坐出使後期削其官丁卯以耿元吉爲  
戶部使六月政事舍人吳克昌按察霸州刑獄八月丙子幸懷  
州有事于諸陵十一月辛丑以參知政事馬保忠同知樞密院  
事監修國史丁巳以北面林牙蕭隗注爲國舅詳總將本部兵

東征高麗十二月下酉賜進士孫傑等四十八人及第 六年  
二月庚辰南面林牙湜合爲南院大王五月戊戌朔又伐高麗  
丙午錄囚巳酉設四帳都詳穆乙卯祠本萊山潢河乙丑駐蹕  
九層臺六月戊辰朔南京奏諸縣蝗先是賜德妃蕭氏死葬兔  
兒山西後數日大風起塚上晝暝大雷電而雨不止者踰月七  
月辛亥遣禮部尚書劉京翰林學士吳叔遠知制誥仇正已起  
居舍人程翥吏部員外郎附丞顏禮部員外郎王景運分路按  
察刑獄辛酉西南路招討簡置寧仁縣于勝州九月庚子皇子  
屬思生大赦十月丁卯南京路饑輓雲應朔弘等州粟振之十  
一月乙卯建州節度使石匡弼卒 七年二月乙丑朔拜日四  
月丙寅振川饒二州饑辛未振中京貧乏壬辰以三司使呂德  
懋爲樞密副使閏月壬子以蕭進忠爲彰武軍節度使兼五州

制置戊午吐蕃王并里尊奏凡朝貢乞假道夏國從之五月丙寅封皇子宗真梁王宗簡宗偉右衛宗愿左驍衛俱大將軍皇姪宗元承清軍宗範昭義軍宗熙鎮國軍宗亮絳州俱節度使宗弼澶州觀察使宗奕宗顯宗蕭皆防禦使八月丙午行大射柳之禮庚申加平章蕭弘義開府儀同三司尚父兼政事令九月庚申蒲昵國遣使奏與烏里國封壤相接數使掠不寧賜詔諭之庚午錄囚括馬給東征軍十月壬寅以順義軍節度使石用中爲漢人行宮都部署丙辰復伐高麗論其守吏能率衆自歸者厚賞堅壁相拒者追悔無及十一月壬戌以呂德懋知吏部尚書楊又玄知詳覆院劉晟爲霸州節度使庚辰禁服用明金縷金貼金十二月蕭排押等伐高麗兵失利過鞏帳詳穆阿果達客省使酌古渤海詳穆高清明天雲軍詳穆海里等皆死

之是歲放進士張克恭等三十七人及第 八年正月壬戌詔  
中京建景宗廟封沙州節度使曹順爲燉煌郡王二月丁未以  
前南院樞密使韓愬爲中京留守丙辰祭風伯三月己未以契  
丹弘義宮使赫石爲興聖宮都部署前遣恩拈部節度使控骨  
里爲積慶宮都部署左祇候郎君耶律罕爲四捷軍都監乙亥  
東征兵將還俱坐失律數其罪而釋之加有功渤海將校官其  
耆里涅哥二奚軍并南皮室軍校賜金帛有差壬午閣飛龍院  
馬癸未回跋都太師踏刺葛來貢丙戌置東京渤海承奉官都  
知押班五月壬申以駙馬蕭克忠爲長寧軍節度使乙亥遷寧  
州渤海戶于遼土二河之間己卯曷蘇館惕隱阿不葛宰相寶  
刺來貢六月戊子益封征高麗戰歿諸將妻及其子弟錄之己  
丑以左奇畢蕭解里爲西南面招討使御史大夫蕭要只爲

存商畢已亥楊隱耶律合葛爲南府宰相癸卯弛大擺山猿嶺  
採木之禁七月庚申以東北路詳穩耶律獨迭爲北院大王癸  
亥詔阻卜依舊歲貢馬貂鼠青鼠戊辰觀稼己巳回跋部太保  
麻門來貢庚午觀市曲赦市中繫囚九月己巳以石用中叅知  
政事壬申至甲戌錄囚庚辰曷蘇館楊隱阿不割來貢十月乙  
酉詔諸道事無巨細已斷者每三月一次條奏癸卯以前北院  
大王建福爲阿札割只甲辰改東路耗里太保城爲咸州建節  
以領之十二月甲寅置雲州宣德縣十二月辛亥高麗王詢遣  
使乞貢方物詔納之 九年五月庚午耶律資忠使高麗還王  
詢表請稱藩納貢歸所留王人只刺里辛未遣使釋王詢罪並  
允其請癸酉以耶律宗教檢校太傅宗誨啓聖軍節度使劉晟  
太子太傅仍賜保節功臣七月庚戌朔日食以近臣代拜救護

甲寅遣使賜燉煌郡王曹順衣物九月戊午以蕭紹宗同平章  
事乙亥曹順遣使來貢丙子以夸离畢延寧爲兵馬副都部署  
總兵東征括諸道漢民馬給之十月戊寅以涅里爲奚王都監

突迭里爲北王府舍利軍詳穩郎君老使沙州遣詔釋宿累

建制

使遠國多用犯罪有才略者使還卽除其罪戊子西南招討奏党項部有宋犀族輸

貢不時宜以時遣使督之壬寅大食國遣使進象及方物爲子  
冊割請婚詔封王子班郎君胡思里女可老爲公主嫁之十一  
月丁巳以漆水郡王韓愬爲南京留守析津尹兵馬都總管已  
未以夸离畢蕭孝順爲南面諸行宮都部署加左僕射十二月  
戊子詔中京建太祖廟制度祭器皆從古制乙巳放進士張仲  
舉等四十五人

太平元年三月戊戌皇子勃已只生庚子賜駙馬蕭紹業私城

名睦州軍曰長慶四月戊申東京留守奏女直三十部部長請  
各以其子詣闕祇候詔以其父俱來受約乙卯錄囚丁卯置業  
州七月甲戌朔賜從獵女直人秋衣乙亥遣骨里取石晉所上  
玉璽于中京十月丁未敵烈部長頗白來貢馬駝戊申錄囚已  
未以薩斂解里爲都點檢高六副點檢耶律羅漢奴左皮室詳  
穩噪姑右皮室詳穩聊了西北路金吾耶律僧隱御史大夫求  
哥駙馬蕭春骨里並大將軍庚申幸通天觀觀魚龍曼衍之戲  
翌日再幸還升玉輅自內三門入萬壽殿奠酒七廟御容因宴  
宗室十一月癸未上御昭慶殿百僚奉冊上尊號曰睿文英武  
遵道至德崇仁廣孝功成治定昭聖神贊天輔皇帝大赦改元  
中外官進級有差宋遣使來聘夏高麗遣使來貢甲申冊皇子  
宗真爲皇太子二年三月地震雲應二州屋摧地陷鬼白山



裂數百步泉湧成流丁丑宋使薛貽廓來告真宗皇帝崩仁宗  
嗣位遣都點檢耶律僧隱等充祭奠使剛林牙蕭日新觀察馮  
延休充宋后弔慰使副金吾耶律諧領引進姚居信充宋主弔  
慰使副戊子爲宋主飯三京僧五月乙亥朔石用中薨庚辰鐵  
驪遣使獻兀惹十六戶六月乙未宋遣使薛由等致遺物七月  
己卯以耶律信寧爲奉陵軍叅政王同顯靜海軍耶律遂忠長  
寧軍耿延毅昭德軍高守貞河西軍俱節度使九月癸巳遣尚  
書僧隱韓格賀宋主卽位壬寅遣堂後官張克恭賀夏國王李  
昭德生日耶律掃古韓王充賀宋太后生日使副耶律仙寧史  
克忠充賀宋正旦使副以後不齊十月癸卯朔賜宰臣呂德懋馬保  
忠叅政吳叔達樞副楊又玄錢物有差辛亥至上京赦囚十一  
月丙戌宋遣使來謝十二月辛丑高麗王詢薨遣使冊其子欽

嗣王是年放進士張漸等四十七人 三年正月丙寅朔以僧  
隱爲平章事乙亥以蕭臺德爲南王府都監林牙耶律信寧西  
北路招討都監辛巳賜越國公主私城名懿州軍曰慶懿二月  
丙申以丁振爲武信軍節度使改封關陵郡王四月以耶律守  
寧爲都點檢六月戊申以南院宣徽使劉涇叅知政事蕭孝思  
爲都點檢蕭孝恭東京統軍兼沿邊巡檢使戊午以蕭遵爲左  
夸离畢蕭琳爲詳穩七月戊寅以南府宰相耶律合葛爲上京  
留守封漆水郡王丁亥賜纏山名曰永安十月庚辰東征軍奏  
統帥詣領帶麥課奴率師自毛毋闕嶺入林牙高九禪將大匡  
逸等率師鼓山嶺入閏月未至撻離河不遇敵而還以是月會  
於弘怕只嶺駝馬死者甚衆十一月辛卯朔以皇姪宗範爲歸  
德軍節度使同平章事封三韓郡王南京留守韓愬爲南院大

王兵馬都總管仇正燕京轉運使仇道衡中京副留守馮延休  
順州刺史郎玄化西山轉運使趙其樞密直學士蕭永太子太  
師 四年三月戊子千齡節詔賜諸官分耆老食四月癸酉以  
右丞相馬保忠之子世弘使嶺表至平地松林爲盜所殺特贈  
昭信軍節度使六月己未韓愬薨追封陳王戊辰以鄭弘節爲  
兵部郎中甲戌以蕭解里爲彰德軍節度使八月丙辰以都點  
檢蕭紹宗爲武定軍耶律宗福安國軍俱節度使十二月以蕭  
從政爲歸義軍節度使康筠監門衛是年放進士李炯等四十  
七人 五年三月壬辰以鄭弘節爲臨潢少尹楊又玄吏部尚  
書叅知政事兼樞密使駕如長春河魚兒濼有聲如雷其水一  
夕越沙岡四十里別爲一陂五月以蕭從願爲太子太師吳叔  
達翰林學士道士馮若谷加太子中允耶律晟武定軍節度使

呂士宗禮部員外郎李可舉順義軍節度使十一月庚子幸內  
果園宴京民聚觀放進士得七十二人命賦詩第其工拙以張  
景等一十四人爲太子校書郎韓樂等五十八人爲崇文館校  
書郎辛丑以左祇候郎君詳穩蕭羅羅爲右夸萬畢十二月丁  
巳以耶律仁舉爲典國軍節度使甲子蕭守寧爲侍衛親軍馬  
步軍都點檢十二月戊辰以北府宰相蕭普古爲北院樞密使  
參知政事到京爲順義軍節度使是歲燕土大豐遇車駕臨幸  
禮高年惠鰥寡賜醕飲至夕六街燈火如晝士庶嬉遊上亦微  
行觀之民爭獻土物 六年二月己酉以米離已同知樞密院  
黃鬪爲兵馬都部署達骨只副之赫石爲都監引軍城混同江  
疎木河之間黃龍府請建堡障三烽臺下詔以農隙築之戊午  
以耶律野爲副點檢國舅帳蕭柳氏徙魯骨領西北路十二班

耶奚王府舍利軍已巳南京水遣使振之庚午詔党項別部塌  
西設契丹節度使治之三月戊寅叅知政事吳叔達黃授將作  
少監出爲東州刺史四月丁未朔以武定軍節度使耶律漢古  
爲惕隱十月丙子曷蘇館諸部長來朝庚辰遣使問夏國與宋  
交戰之故辛巳以前南院大王直魯袞爲烏古敵烈都詳穩庚  
寅蕭孝順蕭紹宗兼侍中駙馬蕭紹業平章政事前南院大王  
胡視董同知上京留守安哥通化州節度使十二月庚辰曷蘇  
館部乞許建旗鼓辛巳詔北面諸部兼察州縣石烈彌里不治  
者罷之大小職官有貪暴殘民者終身不錄其不廉直雖處重  
任卽令代去能清勤自持者在卑位亦當薦拔及內族受賂事  
發與常人所犯同科 七年正月辛亥以女直白縷爲惕隱蒲  
馬爲巖母部太師五月從西南路招討司奏陰山中產金銀徒

置礦冶復遣使循遼河源求產金銀之所六月禁諸屯不得  
擅貨官粟癸巳詔蕭惠再討阻卜七月己亥朔詔更定法令十  
月丁卯朔詔諸帳院庶孽並從其母論貴賤十一月癸亥以三  
韓王欽爲啓聖軍節度使十二月癸酉以金吾蕭高六爲奚舍  
利軍詳穩 八年正月庚申党項侵邊破之甲子詔州縣長吏  
勸農七月丁酉以遙韋帳郎君陳哥爲西北路巡檢與蕭諧領  
同管二招討地九月壬辰朔以渤海宰相羅漢權東京統軍使  
壬子幸中京賜北敵烈部節度使耶律延壽旗鼓巡視諸部癸  
丑阻卜別部長胡懶來降乙卯阻卜長春古來降十月詔燕城  
將士若敵至總管備城之東南統軍守其西北馬步軍備野戰  
統軍副使繕壁壘課士卒各練其事十一月丙申以耶律求翰  
爲北院大王十二月辛酉朔以遙輦太尉謝佛留爲天雲詳穩

壬申前北院大王耶律留寧爲雙州節度使康筠崇德宮都部  
署謝十永興宮都部署旅墳宜州節度使耶律野中京留守同  
知耶律曷魯突媿爲大將軍丁丑詔庶孽雖已爲良不得預世  
選兩國舅及南北王府國之貴族賤庶不得任本部官是歲放  
進士張宥等五十七人 九年二月戊辰遣使賜高麗王欽物  
八月己丑東京舍利軍詳穩大延琳反渤海太保夏行美不從  
其招起拜平章事十月丙戌朔命蕭孝穆等討之十一月丙寅  
授濟州節度副使張傑爲節度使是歲放進士張人紀趙睦等  
二十二入 十年四月以耶律行平爲廣平軍節度使李延弘  
知易州蕭從順加太子太師八月丙午延琳就擒渤海平十一  
月辛亥以前統軍委窠大將軍馬保忠權知燕京留守奚王府  
都監蕭阿古軫爲東京統軍使詔渤海舊族有勲勞材力者叙

用餘分居來隰遷閏等州十二月乙巳尚書左僕射蕭琳爲臨  
海軍節度使 十一年三月帝不豫五月大雨水諸河橫流皆  
失故道六月丁丑朔駐蹕大福河之北巳卯帝崩于行宮年六  
十一景福元年閏十月壬申上尊諡曰文武大孝宣皇帝廟號  
聖宗 舊史贊曰聖宗幼冲嗣位政出慈闈及宋人三道來攻  
親御甲冑一舉而復燕雲破信彬再舉而肅河朔不亦偉歟既  
而侈心一啓佳兵不祥東有茶陀之敗西有甘州之喪此狃於  
常勝之過也然其踐阼四十九年理究滯舉才行察食殘抑奢  
僭錄死事之子孫振諸部之貧乏資迎合不忠之罪却高麗女  
樂之歸遼之一代在位長久庶幾可稱者聖宗一人而已



明刑部員外郎仁和弘齋邵經邦學

皇清翰林院侍講學士四世孫遠平校閱

載記 遼主之七

興宗皇帝諱宗真字夸不董小字只骨聖宗長子幼而聰明長而魁偉龍顏口角嚙蓬大度善騎射好儒術通音律三歲封梁王冊爲皇太子太平十年六月判北南院樞密使事聖宗崩卽位樞前壬午尊母元妃蕭氏爲皇太后甲申遣使告哀于宋及夏高麗辛卯大赦改是年爲崇福元年乙未奉大行皇帝梓宮殯于永安山太平殿辛丑遷齊大皇后于上京七月丙午朔高麗遣使弔慰上召晉王蕭普古等飲博夜分乃罷丁未擊鞠戊申以特末里爲左祇候橫帳樂古權右祇候俱郎君詳隱己酉

以耶律鄭留爲于厥迪烈都詳穩高八爲右皮室詳穩庚戌振  
薊州民饑甲寅錄囚以觀察姚居信爲上將軍建慶州于慶陵  
之南徙民實之充奉陵邑丁巳詔寫大行皇帝御容上謁哀慟  
久之置御容殿併寫蕭孝先孝穆像于殿側以蕭阿姑軫爲東  
京留守丁卯謁太平殿凡先帝所御弓矢鞍勒皆焚之戊辰幸  
晉王普古第視疾壬申上謁神主帳時輿隈蕭氏始入宮亦命  
拜之八月壬午遷大行皇帝梓宮於菽塗殿九月戊申躬視慶  
陵庚戌問安皇太后辛亥宋遣王隨曹儀致祭王醴許懷信弔  
慰范諷孫繼業賀卽位庚申夏國遣使來慰并賻庚午喪服臨  
菽塗殿受宋使弔祭甲戌遣御史中丞耶律翥司農卿張確詳  
穩耶律勵四方館使高維翰謝朶弔祭十月戊寅宰臣呂德懋  
薨丙戌遣工部尚書高德順崇祿卿李可封致遺物于宋右監

門衛上將軍耶律元載引進使魏永往謝卽位戊戌以籥草趙

爲果耶律郁馬保業充來歲賀宋正旦使以後不書閏月辛亥謁敢

塗殿闕玄宮闕器從有司請立生辰爲永壽節辛酉闕親造盞

甲丁卯振黃龍府饑十一月壬辰上率百僚奠于菽塗殿焚素

所服御玩好并縱五坊鷹犬甲午葬慶陵乙未祭天地丙申謁

慶陵以遺物賜羣臣名其山曰慶雲殿曰望仙十二月癸丑皇

太后聽政帝不親庶務羣臣表請不從是歲以興平公主下嫁

夏國王李德昭子元昊封爲夏國公駙馬都尉

重熙元年正月壬申皇太后御正殿受帝與羣臣朝宋遣任布

王遵範來賀乙亥宋遣鄭向郭遵範來賀永壽節以後不書丁丑如

雪林二月大蒐三月壬申朔皇太后誣齊天皇后以罪遣人卽

上京行弑四月乙巳清暑別輦斗七月獵平地松林以後不書八月

丙午駐蹕刺河源皇子洪基生十月巳酉幸中京十一月巳卯  
帝率羣臣上皇太后尊號禮畢羣臣上帝尊號口文武仁聖昭  
孝皇帝大赦改元丙戌夏國遣使來賀辛卯五國部長來貢夏  
國王李德昭薨冊國公元昊爲夏國主十二月庚戌以耶律求  
翰同平章事是年放進士劉師貞等五十七人二年正月乙  
酉夏元昊初嗣位遣使來貢壬辰女直詳穩臺押率所部來貢  
宋遣曹瑋來告太后劉氏哀章得象安繼昌致遺物隨遣廷昌  
宮使耶律壽寧給事中知制誥李奎充祭奠使副天德軍節度  
使耶律卿寧大理卿和道亨河西軍節度使耶律嵩引進使馬  
世卿充兩宮弔慰使副八月乙卯遣使閱諸路禾稼十一月甲  
申宋遣劉保符忠李昭述張茂實來謝慰奠十二月巳酉禁夏  
國使沿路私市金鐵三年二月壬辰以北院樞密使蕭普古

爲東京留守戊申耶律太師奴有惡褫恩詔入屬籍四月皇太后還政于上躬守慶陵六月己亥蕭普古改南院樞密使七月戊子朔上始親政 四年正月庚寅如耶迷只里部振之六月癸丑朔皇子寶信奴生十一月壬午改南京總管府爲元帥府乙酉行柴冊禮于白嶺大赦加尚父耶律信寧政事令耶律求翰齊宿贊翊功臣十二月癸丑詔諸軍砲弩弓劍手以時閱習五年正月從樞密使蕭延寧請改國舅乙室小功帳倣史爲將軍四月甲子幸后弟蕭無曲弟曲水泛觴賦詩丁卯頒新定條制己巳擊鞠五月庚申幸北院大王高十行帳拜與賜銀絹壬戌詔修南京宮闕府署七月辛丑錄囚耶律把八誣其弟韓哥謀殺當反坐其弟泣訴憫而從之九月癸巳獵黃花山獲熊三十六賞獵人十月丁未幸南京曲赦析津府境內囚壬子御元

和殿賜進士馮立趙徽四十九人及第 六年五月己酉以蕭

把哥爲左奇畢耶君詳穩鼻姑得爲林牙簽北面事耶律涅哥同簽點檢司甲寅錄囚以南大王耶律信寧故匿重國及侍婢皆論死已而貸之庚申出飛龍廐馬賜皇太弟重元及北面侍臣有差癸亥以上京留守胡覩袞爲南大王平章事上親爲製誥詞并賜詩以寵之甲子蕭查刺寧爲上京留守侍中管寧行宮都部署耶律蒲奴寧烏古廸烈得都詳穩六月壬申朔以善寧爲殿前都點檢蕭阿刺里耶律烏魯幹蕭特里蕭求翰爲各宮都部署上酒酣賦詩蕭孝穆蕭八撒等皆屬和夜中乃罷己卯祀天地七月辛丑朔北南樞密使奏獄空賞賚有差八月北樞密奏越棘等五國民苦其酋師不法多致流亡詔罷之領以契丹節度使一員十一月辛亥蕭惠管寧並爲南院樞密

使蕭赫古詣行宮都部署耶律裏里知南面行宮副部署蕭阿  
刺里左祇候耶律曷主右祇候俱耶律詳穩庚申封皇子洪基  
爲梁王 七年二月壬午幸五坊閤鷹鶻三月甲寅錄囚四月  
己巳興平公主與夏國元吳不睦薨遣承旨耶律庶成持詔詰  
問六月乙亥御清涼殿試進士賜邢彭年以下五十五人第七  
月乙巳阻卜部長屯禿古斯來朝十月甲子朔渡遼河丙寅駐  
蹕白馬淀十二月召東京善鞠者數十人與近臣角勝上臨觀  
之己巳北府宰相撒八寧知東京留守事耶律應穩南府宰相  
查割折大內惕隱乙室已帳蕭翰乾州節度使三子帳冠哥轉  
郎君詳穩鈕窳大王平州節度使宰臣張克恭守司空甲申致  
薦慶陵丁亥錄囚非故殺者減科南面侍御壯骨里詐取女直  
貢物罪死上以有吏能黥而流之 八年正月戊戌振品部丁

已禁朔州雷羊于宋六月乙丑詔括戶口七月丁巳謁慶陵致奠于望仙殿至顯州謁園陵踰月還京十一月詔有言北院處事失平擊鍾及邀駕告者悉以奏聞已西城長春 九年正月丙辰朔上進酒于皇太后宮御正殿七月癸酉宋遣郭禎以伐夏來報遣樞密使杜防報聘十一月甲子女直侵邊發黃龍府鐵驍軍拒之十二月辛卯以所得女直戶置肅州詔諸犯法者不得爲官吏諸職官非婚祭不得沉酣廢事有治安邊之略者悉具以聞 十年二月庚辰朔詔蒲盧毛朶部歸曷蘇館戶之沒入者使復業甲申從北院樞密言南北二王府洎諸部節度侍衛祇候郎君皆出族帳旣免與民戍邊其祇候事請亦以部曲代行四月罷修鴨綠江浮梁及漢兵屯戍之役九月癸亥上獵馬盃山丙寅夏國獻宋俘十月庚寅以女直太師臺押爲曷



蘓館都大王辛卯皇子胡盧幹里生肆赦北宰相撒八率迎車  
駕至其第飲宴角觥爲樂壬辰飲皇太后殿夕復引公主駙馬  
及內族大臣入寢殿劇飲甲午辛中京庚子以駙馬都尉蕭忽  
列爲國舅詳穩十二月乙未置撻朮不姑部長以胡撻刺爲平  
章事是歲謀取宋舊割闕南十縣地遣蕭英劉六符使宋丁酉  
議伐宋詔諭諸道 十一年正月庚戌遣蕭特末劉六符使宋  
取晉陽及瓦橋以南十縣地凡問與師伐夏及沿邊疏濬水澤  
增益兵戍之故四月甲戌朔頒南征賞罰令六月乙亥宋遣富  
弼張茂實奉書來聘以書荅之壬午御含涼殿放進士王寔等  
六十四人七月壬寅朔詔外路官勤瘁正直者考滿代不治事  
者卽易之八月丙申宋復遣富弼張茂實奉書來聘乞增歲幣  
銀絹以書荅之上感其言深切九月壬寅復遣耶律仁先劉六

符使宋約和議始定閏月癸未仁先遣人還報宋歲增銀絹十萬匹兩文書稱貢送至白溝上喜宴羣臣于昭慶殿命振恤三父族之貧者辛卯仁先六符還進宋誓書十一月丁亥羣臣加上尊號曰聰文聖武英睿神功睿哲仁孝皇帝大赦十二月辛亥詔頒預備伐宋諸部租稅一年壬子吐渾党項鬻馬夏國詔謹邊防己未宋遣賀正旦及永壽節使居邸帝微服往觀丁卯禁喪葬殺牛馬及藏珍寶十二年正月辛未遣析津府同知耶律敵烈樞密院都承旨王惟吉諭夏國與宋和壬申以耶律遼所爲東京留守二月壬寅禁關南漢民弓矢己酉夏國高麗遣使來賀尊號甲寅夏國使還奏元昊罷兵遣使報宋四月己亥置回跋部詳穩都監五月乙未詔復定禮制六月丙午詔世選宰相節度使族屬及身爲節度使之家許葬用銀器仍禁殺

牲以祭庚戌詔漢人官分戶絕恆產以親族繼之辛亥阻卜大王屯禿古斯弟太尉撒葛里來朝七月庚寅夏國遣使表請伐宋不從八月丙申謁慶陵九月壬申朝皇太后謁望仙殿壬午謁懷陵十月庚子詔詣路上重囚遣官詳獻壬子夏人侵党項遣延昌宮使高家奴讓之甲子楊隱敵魯古封濟水郡王丁卯出飛龍厯馬分賜羣臣十一月丁亥上京戲儉復其民租稅十二月戊申改政事省爲中書省十三年正月甲子朔朝皇太后二月丙辰置契丹營巡院四月甲寅南院大王耶律高十奏党項等部叛附夏國西南招討都監羅漢奴等亦奏山西郡族節度使屈烈以五部叛亦如之五月壬戌朔羅漢奴所發部兵與党項戰不利招討使蕭普達四捷軍詳穆張佛奴歿于陣夏國來援叛黨戊辰詔徵諸道兵會西南邊以討李元昊六月甲

午阻卜部長烏八遣其子執夏所遣援兵宍邑敗來乞以兵助  
戰從之乙未遣延昌宮使耶律高家奴告宋將伐夏七月庚辰  
夏國遣使來朝賞不以情鞫之八月丁巳夏復遣使來詢事宜  
又不實對答之九月戊辰宋以親征夏國遣余靖致贈禮壬申  
會大軍于九十九泉以皇太弟重元北院樞密使蕭惠將先鋒  
兵十月庚寅祭天地丙申獲党項偵人射鬼箭丁酉元昊上表  
謝罪欲收叛黨以獻從之辛亥元昊親率党項三部來進方物  
詔北院樞密副使蕭革逐之且詰其納叛背盟元昊伏罪許以  
自新賜酒遣之壬子軍于河曲召羣臣議皆以大軍旣集宜加  
討伐癸丑掩殺數千衆夏人因執駙馬蕭胡覩丁巳夏以先被  
執者來歸詔亦遣還所留夏使十一月辛酉賜有功將校甲子  
班師丁卯改雲州爲西京辛巳朝皇太后十二月戊申胡覩來

歸是夏詔耶律谷欲都林牙庶成等編集國朝上世以來事蹟

十四年正月壬午以金吾衛大將軍敵魯古爲乙室大王二

月庚子朝皇太后駐蹕撒刺濼三月己卯宋遣使來賀伐夏師

還閏五月丁卯謁慶陵己卯阻卜大王屯禿古斯率諸部長來

朝辛亥錄賊殺常侍幹古得子習羅爲帥十月甲子望視木葉

山十二月癸丑觀漢軍習砲射擊刺癸亥決滯獄十五年二

月丙寅蒲盧毛朶界曷懶河戶來附詔撫之三月甲申詔諸道

歲具獄訟以聞四月戊午還邊聲帳戍軍壬戌以北女直詳穩

蕭高六爲奚六部大王甲戌蒲盧毛朶曷懶河百八十戶來附

六月戊辰御清涼殿賜進士王棠等六十八人甲戌西北路招

討使耶律敵魯古坐賊免官七月戊子觀穫乙未以北院宣徽

使旅墳爲左夸離畢丙申籍諸路軍辛丑禁扈從踐民田丁未

女直部長遮母率衆來附加太師八月癸丑高麗王欽堯十月  
丁亥轉旅瑱楊隱封遼西郡王己亥渤海部以契丹戶例通括  
軍馬乙巳振南京貧民十二月壬申以先帝在時生辰曲赦徒  
以下 十六年二月辛酉禁羣臣過宴樂奏請私事詔世選之  
官從各部耆舊擇材能用之三月癸巳遣使審決雙州囚壬  
寅大雪六月丁巳阻卜大王屯禿古斯來朝獻方物戊午詔士  
庶言事七月辛卯幸慶州自是月至于九月日射獵于楚不溝  
霞列繁輪石塔諸山十月辛亥幸中京謁祖廟庚午鐵驪仙門  
始來朝貢加右監門衛大將軍十一月戊寅祠木葉山己丑朝  
皇太后減雜犯以下死罪一等徒以下免 十七年閏正月癸  
丑射虎于候里吉二月辛巳振搖穩嚙穩部詔士庶言國家利  
便不得及已事奴婢所見許白其主不得自陳夏國來告其主

元昊遣使慰奠三月丙午夏遣使上遺留物丁卯鐵不得國  
使來乞以本部軍助攻夏國不許四月甲申蒲盧毛朶部大王  
蒲鞞來獻造舟人匠六月庚辰阻卜獻馬駝二萬辛卯長白山  
太師柴葛回跋部太師撒刺都來貢方物七月丁未于越摩栴  
欲之子不葛一及婆離八部夸离董虎馱等內附甲寅錄囚減  
雜犯以下死罪八月丙戌復南京貧戶租稅戊子伐蒲奴里十  
一月乙未朔遣使括馬 十八年正月戊戌留夏國賀正使不  
遣己亥遣蕭惟信告宋伐夏辛丑錄囚丙辰獵霸特山三月丁  
巳烏古遣使送款五月甲辰五國部長各率其部來附庚戌回  
跋部長兀迭臺扎等來朝六月乙丑錄囚丙寅行十二神齋禮  
己巳宋遣錢逸致伐夏贖禮庚辰阻卜貢馬駝珍玩辛巳夏使  
來貢留不遣丁亥行再生禮七月戊戌親征八月辛酉渡河夏

人遁乃還九月丁未蕭惠等與夏人戰而敗都詳穩蕭慈氏奴  
南尅耶律幹里死焉十月北道行軍都統耶律敵魯古率阻卜  
諸軍至賀蘭山獲元吳妻及其官僚家屬十二月戊寅慶陵林  
木火已卯錄囚有弟從兄爲強盜者兄弟俱無子特原其弟

十九年正月庚寅加僧惠鑑檢校大尉庚子復封敵魯古漆水  
郡王諸將校及阻卜等部部长各進爵有差辛丑遣使問罪夏  
國二月丁亥夏將注普猥貨乙靈紀等來攻金肅城林牙高家  
奴等破之注普被刺遁去殺猥貨乙靈紀四月壬申蒲盧毛朶  
部惕隱信篤來貢五月丁酉夏將注普來降六月丙辰朔置倒  
塌嶺都監丙寅謁慶陵大安殿壬申回跋曷蘇館蒲盧毛朶部  
各遣使貢馬辛巳御金鑿殿試進士七月乙未阻卜部長豁得  
刺遣翁幹得朝貢加太尉遣之戊戌錄囚戊申以左夸离畢蕭



唐古爲北院樞密副使八月丁卯阻卜部長喘只葛拔里斯來朝九月壬寅夏人侵邊敵魯古遣六院軍將海里舉敗之十月辛未夏國王李諒祚毋遣使乞依舊稱藩詔諭別遣信臣詣闕當徐思之壬申釋臨潢府役徒十一月庚戌錄囚二十年二月甲申遣前北院都監蕭友拔等使夏國索党項叛戶五月癸丑友拔等還諒祚毋表乞如党項權進馬騾牛羊等物己巳夏復遣使求唐隆鎮及乞罷所建城邑以詔荅之六月丙戌以所獲元昊妻及所俘夏人安置蘇州遣所獲夏物于宋九月詔更定條制十月己卯朔括諸道軍籍十一月庚申以楊隱都監蕭漢魯爲左夸葛畢甲子命東京留守司總領戶部內省事丁卯罷中丞記錄職官過犯令丞旨總之二十一年七月甲辰朔召宰相蕭塔烈葛貼不樞密蕭革仁先等賜坐論古今治道戊

中祀天地已酉詔北南樞密院日再奏事壬子追尊太祖之祖  
曰簡獻皇帝廟號元祖妣簡獻皇后太祖父宣簡皇帝廟號德  
祖妣宣簡皇后追封太祖伯父巖木爲蜀國王釋魯爲隋國王  
癸亥近侍小底盧寶僞學御書免死配役終身八月戊子太尉  
烏者斃詔配享聖宗廟九月庚申追上太祖以下諸帝后諡號  
十月丁亥夏國李諒祚遣使乞弛邊備卽遣蕭友拓奉詔諭之  
戊戌射虎于南撒葛栢十一月壬寅朔增諡讓國皇帝以下諸  
帝后諡號甲子回鶻阿薩蘭遣使貢名馬文豹丙寅錄囚二  
十二年二月丙子回鶻阿薩蘭爲隣國所侵遣使求援五月壬  
寅詔內地州縣植果七月己酉阻卜大王屯禿古斯率諸部長  
獻馬駝閏月癸巳長春州置錢帛司九月壬辰夏國遣使進降  
表乞進馬駝甲午遣南面林牙高家奴等奉詔撫諭十月丙申

朔日食十二月壬子詔大臣朕與宋主約爲兄弟歡好歲久欲  
見其繪像可諭來使二十三年正月戊子夏國遣使貢方物  
甲午獵盤直坡四月癸丑獵合只忽里六月壬寅高麗王徵請  
官其子諒加檢校太尉七月己巳諒祥來求婚己卯詔八房族  
市積九月庚寅獵遇三虎縱大獲之十月戊戌幸新建祕書監  
辛丑有事于祖廟癸丑以開泰寺鑄銀佛像曲赦在京囚十一  
月壬申帝幸翠臣上皇太后尊號甲申羣臣上尊號曰欽天奉  
道祐世興曆武定文成聖神仁孝皇帝大赦內外官進級有差  
癸未錄囚二十四年正月戊辰朝皇太后辛巳宋遣使來賀  
并饋馴象二月己丑朔召宋使釣魚賦詩甲寅夏國遣使來賀  
五月駐蹕南崖七月次南崖之北峪不豫八月丁亥疾大漸召  
燕趙國王洪基諭以治國之要戊子大赦縱五坊鷹犬焚釣魚

之具已丑崩于行宮年四十清寧元年十月庚子上尊諡爲神聖孝章皇帝廟號興宗 舊史贊曰興宗卽位年十有六不能厚嫡母而尊其母臨朝專政賊殺不辜又不能以禮幾諫使齊天死於獄逆以至大行在殯飲酒博鞠俱非王者孝道及謁遣像而哀慟受宋弔而衰經跡其所爲若出二人當時無大人進言一賢薦舉祇能感富弼之言遂申南宋之好許諒祚之盟終罷西夏之兵兼以求治甚切親策進士大修條制下至士庶得陳便宜雖未可匹休古之帝王在當時邊塵不驚享國長久亦庶幾晏安者矣

載記 遼主八之上

道宗皇帝諱洪基字涅鄰小字查剌興宗長子初封梁王重熙十一年追封燕國王總領中丞司事十二年加尚書令總北南

院樞密使事進封燕趙國王十八年三月壬子疾愈赦雜犯死罪以下十九年七月癸巳領北南樞密院二十一年拜天下兵馬大元帥知揚慶事參預朝政性沉靜嚴毅每朝上為飲容奉遺詔卽位柩前哀慟不聽政辛卯百餘上表固請許之仍詔士庶直言無諱可則擇用否亦不以爲愆癸巳遣使報哀于宋及夏高麗辛丑改是年爲清寧元年大赦九月戊午詔常所幸園塲外毋禁庚申詔除護衛士外不得佩刃入宮非勲戚後及夸尙董副使承應諸職事人不得冠巾壬戌詔夸尙董及副使之族并民奴賤不得服駝尼水襪裘刀柄兔慴鞍勒佩子不許用犀玉骨突犀惟大將軍不禁乙丑賜內外臣僚賞有差庚午尊皇太后爲太皇太后皇后爲皇太后辛未遣左夸尙畢蕭謨魯翰林學士韓運致遺物于宋及賜高麗夏國癸酉遣使報宋卽

位丙子改上京留守宿國王陳留爲南京留守陳主塗宇特爲  
南府宰相進封吳王十月從有司請立生日爲天安節壬寅以  
順義軍節度十神奴爲南院大王十一月甲子葬慶陵宋及高  
麗遣使來會名其山曰永興壬申次懷州有事于太宗穆宗廟  
甲戌謁祖陵戊寅冬至有事於太祖景宗典宗廟不受賀十二  
月丙戌詔左奪高畢朕嗣位已數月未見所以副朕委任股肱  
耳目之意其令內外百官比秩滿各言一事仍轉論所部無貴  
賤老幼皆得直言無諱戊子冊妃蕭氏爲皇后辛卯詔部署院  
事有機密卽奏其投謗訕書輒受及讀者並棄市癸巳皇族十  
公悖母伏誅甲午以翰林學士吳湛爲樞密副使樞密同知韓  
紹文爲上京留守丙申宋遣歐陽脩等來賀卽位戊戌詔設學  
養士頒五經傳疏置博士助教各一員是年御清涼殿放進士

張孝傑等四十四人。二年正月丙辰詔州郡官及僚屬決囚如諸部族例。己巳詔二女古部與世預宰相節度使之選者免皮室軍。二月乙酉以蕭謨魯知西南面招討都監事。乙巳以先帝在時生辰宴羣臣命各賦詩。三月己卯御製放鷹賦賜羣臣諭任臣之意。閏月己亥始行東京所鑄錢。乙巳南京奏獄空進留守以下官。四月甲子詔方夏長養烏獸孳育之時不得縱火於郊。五月戊戌謁慶陵。甲辰有事于興宗廟。六月丁巳詔宰相舉才能之士。戊午命有司籍軍補邊。戊辛未罷史官預聞朝議。俾問宰相而後書。乙亥中京蝗。乙酉遣使分道平賦稅繕戎器勸農桑禁盜賊。九月庚子幸中京祭聖興二宗於會安殿。十一月戊戌知左丞齊畢耶律剌里爲北院大王。甲辰文武百僚上尊號曰天祐皇帝大赦百官進退有差。十二月戊申朔以陳留

爲北府宰相 三年正月乙未五國部長來貢方物五月己亥  
如慶陵獻酎六月辛未以蕭唐古爲南府宰相七月甲申南京  
地震赦其境內十月己酉謁祖陵及讓國皇帝世宗廟十一月  
丙子以蕭謨魯爲契丹行宮都部署十二月己巳太皇太后崩  
四年正月壬申朔遣使報哀于宋夏癸酉宋遣使奉其主繪像  
來丁亥知易州事耶律頗得秩滿許部民乞留二月丙午詔諸  
路鞠死罪獄雖具仍令別州縣覆案無寃然後決之稱寃者卽  
具奏聞三月戊寅募天德鎮武東勝等處勇捷者籍爲軍甲午  
肆赦四月丁卯宋遣使弔祭五月庚午朔上大行太皇太后尊  
諡癸酉葬慶陵夏國高麗遣使來會七月辛巳制諸掌內藏庫  
官十一月癸酉行再生及柴冊禮宴羣臣於八方陂庚寅御清  
風殿受大冊禮大赦壬午謁太祖及諸帝宮丙戌祠木葉山禁



造玉器十二月辛丑弛駝尼水頰裘之禁是歲皇子游生 五

年七月丁酉烏古敵列詳穆肅謨魯爲左夸爾畢十月壬子朔

幸南京祭典宗於嘉寧殿十一月禁獵十二月壬戌以北院林

牙奚馬六爲右夸爾畢叅知政事吳湛以翁洵同入仕籍前爵

爲民上御百福殿放進士梁援等百一十五人 六年五月戊

子朔監脩國史耶律白請編次御製詩賦仍命爲序六月壬戌

遣使錄囚丙寅置中京國子監命以時祭先聖先師 七年三

月辛亥殺東京留守陳王肅阿剌六月甲子以肅謨魯爲順義

軍節度使丁卯幸弘義永興崇德三宮致祭射柳賜宴賞賚有

差戊辰行再生禮復命羣臣分册射柳十一月壬午以知黃龍

府耶律阿里只爲南院大王 八年五月吾獨媿惕隱屯禿葛

等乞歲貢馬駝許之六月御清涼殿放進士王鼎等九十三人

辛丑以右衛畢奚馬六爲奚六部大王七月甲子射熊于外室  
刺十二月癸未幸西京 九年三月辛未宋使來告仁宗皇帝  
崩英宗嗣位五月丙午封皇子游梁王七月丙辰如太子山戊  
午重元謀反庚申自殺辛酉詔諭諸道壬戌賞功戊辰以黑白  
羊祭天八月庚午朔遣使安撫南京吏民十月戊辰朔幸興王  
寺庚午以六院部太保耶律合术知南院大王事十一月辛丑  
以南院宣徽使蕭九哥爲北府宰相 十年正月己亥北幸二  
月禁南京民決水種粳稻七月壬申詔決諸路囚辛巳禁僧尼  
私詣行在晏述禍福取財物九月壬寅幸懷州謁太宗穆宗廟  
十月壬辰朔駐蹕中京戊午禁民私刊印文字十一月甲子定  
吏民衣服之制辛未禁六齋日屠殺丁丑詔求乾文閣所闕經  
籍命儒臣校讐庚辰詔南京不得私造御用綵段私貨鐵及非

時飲酒每歲春秋三司以官錢饗將士是歲南京西京大熟  
咸雍元年正月辛酉朔百僚加上尊號曰聖文神武全功大略  
廣智聰仁睿孝天祐皇帝改元大赦而梁王滂爲太子內外官  
賜級有差八月丙申客星犯天廟詔諸路備盜賊嚴火禁九月  
丁丑左夸商畢慥古爲孟父傲隱十月丁亥朔幸鑿巫閭山十  
一月壬戌有星如斗逆行隱隱有聲十二月壬子災惑與月竝  
行自旦至午 二年三月辛巳以東北路詳穆耶律韓福奴爲  
北院大王壬午彗星見于西方五月辛巳以戶部使劉詵爲樞  
密副使同知耶律白爲惕隱庚申錄囚丁卯歲旱遣使振山後  
貧民九月壬子朔日食以叅知政事韓孚爲樞密副使十二月  
壬午以劉詵叅知政事戊子加僧守志守司徒丁酉以西京留  
守合木爲南院大王辛丑以蕭朮者爲武定軍節度使御永安

殿放進士張璠等百一人 三年正月甲子御安流殿釣魚三  
月癸亥宋使來告英宗皇帝崩神宗嗣位遣右護衛太保蕭捷  
不也翰林學士陳覺等弔祭六月戊申有司奏新城縣民楊從  
諫反僞署官吏上曰小人無知此兒戲爾獨流其首惡餘釋之  
庚戌宋遣使致遺物辛亥宋陳襄來報卽位遣知黃龍府事蕭  
國古辭中書舍人馬鉉往賀壬戌南府宰相韓王蕭唐古致仕  
壬申以廣德節度使耶律藥奴爲南府宰相七月辛丑焚惑誓  
見凡三十五日十一月壬辰夏國遣使進回鶻僧金佛并梵骨  
經十二月丁未東北路詳穩高八爲南院大王丁巳行再生禮  
赦死罪以下是歲南京旱蝗 四年正月甲戌朔日食辛巳改  
易州兵馬使爲安撫使二月甲辰朔詔元帥府募軍壬子夏國  
李乘常告其父諒祚薨遣使弔祭癸丑頒行御製華嚴經贊三

月乙酉詔南京除軍行地餘皆得種稻乙未乘常遣使獻遺物  
六月壬子西北路雨穀方三十里七月壬申置烏古敵烈部都  
統軍司十月辛亥南京霖雨地震曲赦徒罪以下囚永清武清  
安次固安新城歸義容城諸縣水復一歲租戊辰冊李乘常爲  
夏國王是歲振西京并應朔德民 五年三月阻卜叛以耶律  
仁先爲西北路招討使討之七月戊辰夏國遣使來謝封冊九  
月戊辰仁先遣人奏阻卜捷十一月丁丑五國剖阿里部叛命  
蕭素颯討之閏月己未加僧志福守司徒十二月甲子行皇太  
子再生禮滅諸路徒以下罪一等乙丑詔百官廷議國政甲戌  
五國來降仍獻方物 六年四月癸未仁先以所降阻卜部長  
至行在五月甲寅詔設賢良科應舉者先以所業十萬言進六  
月乙酉御永安殿放進士趙延睦等百三十八人以楊隱耶律

白爲中京留守七月辛亥獵于合魯聶特八月丙子耶律白堯  
追封遼西郡王九月甲寅廷臣薦馬希白詩才敏妙十吏書不  
能給名試之十月丁卯五國部長來朝十二月戊午加圓釋法  
鈞二僧並守司空 七年三月己酉論討五國功加知黃龍府  
蒲延懷化軍節度使高元紀易州觀察使高正千牛衛上將軍  
五國節度使蕭陶蘇幹寧江州防禦使大榮並靜江軍節度使  
六月癸未南院大王高八致仕七月甲申朔以東北路詳穩合  
里只爲南院大王西南面招討使拾得奴爲奚六部大王己丑  
遣使按問五京囚八月辛巳置佛骨于招先浮圖十月己卯如  
靈巫閭山壬戌以耶律藁奴爲南京統軍使戊辰謁乾陵庚辰  
詔百官廷議軍國事十一月戊子免南京流民租己丑振饒州  
饑十二月壬子以契丹行宮都部署耶律胡覩知北院樞密使

事丁巳北院宣徽使劉保都承旨楊興功各賜國姓是歲春州  
斗粟六錢 八年正月癸未烏古敵烈部詳穩耶律巢奏克北  
邊捷上以戰多殺人飯僧南京中京壬寅昏霧連日二月戊辰  
武安并祖州蠲免租稅賑中京中興府及恩蔚順惠饒義易等  
州四月丁巳駐蹕塔里捨七月己卯慶州斬文高八世同居詔  
賜爵丁未以御書華嚴經五頌出示羣臣閏月辛未射熊于殺  
羊山十一月丙辰大雪許民樵採禁地丁卯賜延昌貧戶錢  
十二月戊辰以樞密副使柴德滋叅知政事庚寅賜高麗佛經  
一藏 九年四月壬辰如旺國崖七月甲辰獵大熊山戊申烏  
古敵烈統軍言八石烈敵烈人殺其節度使以叛詔隗烏古部  
軍分道擊之丙寅南京奏歸義添水兩縣蝗飛入宋境餘爲蜂  
所食十月幸陰山遂如南京十一月戊午詔行幸之地免租一

年甲子南院大王合理只致仕 十年二月癸未詔蠲平州復業民租賦三月甲子以耶律巢為北院大王四月旱辛未奚人達魯三世同居賜官旌之五月丙寅錄囚六月戊辰親出題試進士壬申詔臣庶言得失丙子御永安殿策賢良七月癸亥謁慶陵九月庚戌幸東京謁二儀五鸞殿癸亥祠木葉山十月丁丑詔有司頒行史記漢書十二月辛巳改明年元大赦